

四庫全書

史部

欽定四庫全書

欽定大清會典則例卷六十四

禮部

儀制清吏司

婚禮一

一

大婚順治八年

世祖章皇帝大婚禮前期擇吉行納采禮馬十匹鞍轡

具甲冑十副段百疋布二百疋金茶簫一具銀  
盆一具前期一日行大徵禮黃金二百兩白金  
萬兩金茶簫一具銀茶簫二具金銀盆各一具  
段千疋布二千疋馬二十匹鞍轡具馱甲二十  
副常等甲三十副遣官各一人以  
大婚祇告於

天

地

太廟至日早鹵簿大駕樂懸陳設如常儀鑾儀衛官陳  
皇后儀駕於

皇后邸禮部官設案於

太和殿正中又設案於

皇后邸堂正中設

冊寶盥於案上又設案於中案之東設采亭二於

太和門外階下內院禮部官朝服奉

冊寶由御道入

太和殿陳於案王公百官咸朝服序立

世祖章皇帝禮服御殿陞座內院官奉

冊寶授冊封使臣使臣跪受興由中道奉出禮部堂官

前導至

太和門外設於采亭鑾儀校舁

冊寶亭次第行前列御仗二對由協和門出詣

皇后邸

世祖章皇帝還宮遣親王二人奏請

昭聖皇太后幸位育宮

今保和殿

昭聖皇太后陞輿樂作儀駕前導

世祖章皇帝恭迎於

太和門內

昭聖皇太后輿由御道進

位育宮使臣至

皇后邸后父率親屬朝服出迎於門外

皇后禮服同后母朝服迎於庭使臣奉

冊寶由中道入置東案上

皇后就案南北面跪宣讀官立案左西面宣

冊寶文畢次第奉授侍左女官跪接獻

皇后

皇后祇受轉授侍右女官女官跪接陳於案上盃內

皇后興行六肅三跪三拜禮畢

皇后陞輿女官奉

冊寶盃設采亭內儀駕鼓樂前導至

協和門儀駕止

交內執事人

女官奉

冊寶前行

皇后輿由御道入至

太和殿階下降輿入宮禮部堂官奏請

御殿

世祖章皇帝禮服御中和殿諸王入至

中和殿

世祖章皇帝率諸王詣



昭聖皇太后前行禮畢諸王退出復原班立

世祖章皇帝御太和殿

午門鳴鐘鼓中和韶樂作

世祖章皇帝陞座樂止鳴鞭

賜后父及親屬燕王公百官咸與燕畢

還宮

皇后率后母暨公主福晉命婦朝

昭聖皇太后於位育宮禮成

皇后還宮

昭聖皇太后賜后母燕公主福晉命婦咸與燕畢

昭聖皇太后乘輿還宮

世祖章皇帝恭送如初越三日

世祖章皇帝御太和殿王公百官上表行慶賀禮頒

詔天下各如常儀是日

賜后父母黃金百兩白金五千兩段五百疋布千疋金

銀茶筭銀盆各一具馬六匹鞍轡具甲冑橐鞬

各一副弓矢全冬夏朝衣各一襲冬夏衣各一

襲貂裘各一領上等玲瓏帶一束

賜后兄弟及隨從人等服物有差○十一年

世祖章皇帝大婚禮並與順治八年典禮同惟

孝惠章皇后行謁見

昭聖皇太后禮於大婚之第三日

昭聖皇太后御宮

孝惠章皇后率公主福晉命婦行禮如儀乃設燕燕畢

各退○康熙四年

聖祖仁皇帝大婚禮擇吉行納采禮馬十匹鞍轡具甲  
胄十副段百疋布二百疋以禮部尚書內務府  
總管充使咸朝服齋至

孝誠仁皇后邸后祖率后父朝服出迎於大門外使臣  
陳禮物於堂陳馬於庭授后父后父跪受訖率  
子弟望

闕行謝

恩禮是日設納采燕於

孝誠仁皇后邸

命公主三人輔臣命婦三人往與燕內大臣侍衛各旗  
民公以下武官二品以上滿漢文官侍郎以上  
咸朝服與燕如之大婚前期行大徵禮具黃金  
二百兩白金萬兩金茶筯一具銀茶筯二具銀  
盆二具段千足馬二十匹鞍轡具馱甲二十副  
馬四十匹以禮部內務府堂官為正副使咸朝

服齋至

孝誠仁皇后邸后祖率后父朝服出迎及以禮物授受  
儀與納采同是日

賜后祖父母父母衣服各跪受訖后祖父率子弟於堂  
之南后祖母率諸婦於堂之北行謝

恩禮如儀前期遣官祇告至日發

冊奉迎

閱冊寶儀均與順治八年同

欽差命婦十一人四人前導七人後隨詣

孝誠仁皇后邸襄事又以命婦十人恭侍執事於

皇后宮以內大臣侍衛翊衛屆時

聖祖仁皇帝御殿發冊

孝誠仁皇后受冊寶行禮均如前儀欽天監官報時

孝誠仁皇后陞輿前導命婦於輿前後隨命婦於輿後

皆乘騎行內大臣侍衛咸從由

大清門中門入至

午門外儀駕止

交內執事人

孝誠仁皇后輿入自中門至

太和殿階下內大臣侍衛退

孝誠仁皇后降輿內監奉

冊寶前導由中道至

中和殿前導後隨命婦退恭侍命婦祇迎入宮內

監奉

冊寶授守



寶內監訖退

聖祖仁皇帝禮服詣

昭聖慈壽太皇太后宮

仁憲皇太后宮行禮畢

御太和殿賜

皇后親屬暨諸王百官燕燕畢乃還宮

仁憲皇太后率輔臣命婦詣

昭聖慈壽太皇太后宮

賜后母暨親屬燕如儀諸王百官免隨行禮公主福晉  
命婦免會燕至酉時

宮中設合卺燕行合卺禮○翼日

孝誠仁皇后詣

昭聖慈壽太皇太后宮

仁憲皇太后宮行朝見禮○越三日

聖祖仁皇帝御殿羣臣上表行慶賀禮頌

詔天下儀與順治八年同

婚禮二

一

皇子成婚有

旨以某氏某官某人之女指與某皇子為福晉令欽

天監擇吉內務府列夫婦偕老之大臣奏請

簡用一人至日召福晉父至

宮門大臣傳

旨訖謝

恩行禮擇日

皇子見福晉父母以內大臣散秩大臣侍衛護軍  
叅領護軍校護軍等隨往均由領侍衛內大臣  
護軍統領簡委納采禮用銜珍珠金大簪三小  
簪三銜東珠金領約一金耳飾三對金釧二對  
金衣紐百銀衣紐二百諸色表裏段百棉三百  
斤製衣貂皮一百四十張製帽貂皮三張製衾  
褥狐皮二百五十張緣朝服水獺皮七張遣內

務府官一人齎往昇以采亭至福晉家福晉父  
祇受訖福晉父率子弟福晉母率諸婦謝

恩各行禮如儀是日

賜福晉父馬一匹鞍轡具金十兩銀七百兩狐裘朝  
衣一薰貂帽一金帶一佩飾全鞞襪各一雙福  
晉母銜珍珠金耳飾三對狐狄袍一緣朝服水  
獺皮六張馬一匹鞍轡具金十兩銀七百兩如  
福晉父無爵秩者停給朝衣及緣朝衣獺皮給

狐狄衣服一襲是日就福晉第設燕凡五十席  
羊三十六酒五十餅燕福晉父母其族人之有  
職者咸與公侯伯以下侍郎男以上一二品夫  
人咸會燕○迎娶日具儀衛設采輿導從及各  
執事用內務府官二十人護軍叅領一人護軍  
校四人護軍三十六人執事女官用年命相合  
之大員命婦二人生辰無忌之內務府總管命  
婦一人內管領命婦十人均由內務府簡用於

箭亭暨

皇子所居之處咸結采設燕六十席羊四十五酒  
六十餅燕福晉父母與納采日同合卺燕用羊  
五燕席以夫婦偕老之內管領辦理是日質明  
皇子於

皇太后

皇帝

皇后

妃

嬪前行禮成婚次日

皇子偕福晉行禮亦如之如

車駕行幸駐蹕

回鑾擇吉行禮○既婚之九日行歸寧禮

皇子偕福晉至福晉家福晉家設燕款接燕畢偕

還率不過午

一



公主下嫁有

旨指婚乃擇吉

命夫婦偕老之大臣傳

旨至日召額駙及其父兄至

宮門前大臣傳

旨訖謝

恩行禮○納采禮具駝一馬八

皇太后宮燕三十席羊十有八乳酒黃酒二十餅

皇帝前燕六十席羊六十有三乳酒黃酒七十餅額  
駙於是日早詣

午門恭進乃設燕於

保和殿暨

皇太后宮

皇帝御殿行燕饗禮王公侯

旨內大臣侍衛暨文武一品官咸與燕額駙之父率  
其族人之有職者朝服行禮遂入燕其餘大臣

官負傳其齊集

皇太后御宮行燕饗禮

皇后

妃

嬪咸會額駙之母率其族中諸婦朝服行禮遂入  
燕是日額駙父率族人詣

皇太后

皇后宮門前行禮額駙母率諸婦詣

皇后宮行禮下嫁前一日額駙族人詣

皇太后

皇帝

皇后宮門前謝

恩是日遣官齎送妝奩以年命相合之內管領命婦  
率執事婦女詣額駙第鋪設妝奩至日額駙恭  
進鞍馬二九甲冑二九馬二十有一駝六燕九  
十席羊九九乳酒黃酒九十餅是日設燕於

保和殿

皇太后宮與納采同○下嫁日以

皇子福晉暨近支王福晉貝勒貝子夫人內年命相合無忌者由內務府奏請

欽命二人送親合卺襄禮以大員命婦陪送以內管領妻及隨從婦女咸用年命相合無忌者導從及各執事用內務府官四人內管領二人護軍叅領二人護軍校二人護軍二十人均由內

務府簡委其合卺設燕用羊九酒九餅燕席以  
夫婦偕老之內管領辦理○成婚後九日行歸  
寧禮導引護從用內務府官一人護軍叅領一  
人護軍校二人護軍二十人是日公主於

皇太后

皇帝

皇后暨

妃

嬪前行禮額駙於

皇太后

皇帝

皇后宮門前行禮

一親王婚禮崇德年間定聘朝臣女為婚者納  
采禮綴金珠段衣裳九襲段衾褥七具金領約  
一大小金簪各三金耳飾三對金指環十是日  
設燕五十席牲三十六酒五十餅成婚日燕六

十席牲四十五酒六十餅自親王公主福晉以下咸會燕給女父朝衣冠帶鞵各一具女母蟒段衣裳一襲金耳飾一具又鞍馬二匹若聘外藩王貝勒台吉之女納採用牲六十有三鞍馬甲冑各三銀茶筭一段十有一足布四十二足率準七九之數燕用牲四十有五聘禮外藩親王女鞍馬甲冑各十有二間甲二十有四段六十足布六百足銀茶盆銀酒盆銀茶筭各一具



郡王之女鞍馬甲冑各十副甲二十段五十足  
布五百足貝勒之女鞍馬甲冑各八副甲十有  
六段四十足布四百足銀器與親王女同台吉  
之女鞍馬甲冑各六副甲十有二段三十足布  
三百足銀酒盆銀茶筭各一具成婚日燕用牲  
六十有三福晉父母送女來者均給冬夏衣各  
一襲貂裘各一領韉帶佩刀橐韉各一副甲冑  
一鞍馬二段三十足布二百足銀茶盆銀酒盆

銀茶筭各一具女之兄弟來者給時衣一襲給從者三十人衣服有差○順治九年定燕日親王以下侍郎男以上公主福晉以下郡君貝子夫人以上咸會燕諸王福晉公主等由本家自請民公以下大臣由部傳集聘朝臣之女其父母加給金二十兩銀千兩

一世子郡王婚禮崇德年間定聘朝臣女為婚者納采禮綴金珠段衣裳八襲段衾褥六具金

指環八餘與親王同是日設燕四十席牲二十  
有七酒四十餅成婚日燕五十席牲三十有六  
酒五十餅會燕及給女父母服物與親王同聘  
外藩王貝勒台吉女納采禮物燕席牲酒均與  
親王同聘禮聘外藩親王郡王貝勒台吉女與  
親王聘外藩親王郡王貝勒台吉女同成婚日  
燕用牲六十有三給女父母及兄弟從人如繫  
親王郡王並得視親王繫貝勒台吉給段二十

五疋布一百五十疋銀茶盆銀酒盆銀茶筭各  
一具餘衣裘鞵帶橐鞬鞍馬與親王同給從者  
二十五人衣服有差○順治九年定世子郡王  
納福晉均如親王例聘朝臣之女其父母加給  
金十兩銀七百兩

一貝勒婚禮崇德年間定聘朝臣之女為婚者  
納采禮綴金珠段衣裳七襲段衾褥五具金指  
環六餘與郡王同是日設燕三十席牲十有八

酒三十餅成婚日燕四十席牲二十有七酒四十餅自郡王郡王福晉以下咸會燕給女父段衣裳一襲鞍馬一匹閑馬一匹母段衣裳一襲餘與郡王同聘外藩王貝勒台吉之女納採用牲四十有五鞍馬甲冑各二銀茶筭一具段八疋布四十疋率準五九之數燕用牲二十有七聘禮與郡王聘外藩貝勒女同成婚日用牲四十有五給女父母兄弟從人繫親王郡王均得

視親王繫貝勒台吉給女父母時衣各一襲貂  
裘捨猓獬裘各一鞵帶佩刀橐韉各一具鞍馬  
一匹段二十疋布百疋銀茶筭一具給從者二  
十人衣服有差○順治九年定燕日郡王以下  
都統尚書子以上郡王福晉以下貝子夫人郡  
君以上咸會燕王福晉等由本家自請民公以  
下由部傳集聘朝臣之女其父母加給金五兩  
銀五百兩○又定貝勒以下行禮禁用珍珠粧

段

一貝子婚禮崇德年間定聘朝臣女爲婚者納  
采禮段衣裳六襲段衾褥四具大小金簪各二  
金指環四餘與貝勒同是日設燕二十席牲十  
有四酒二十餅成婚日燕三十席牲二十有一  
酒三十餅自貝勒貝勒夫人以下咸會燕給女  
父母視貝勒減馬一匹餘並同聘外藩王貝勒  
台吉女納采用牲二十有七鞍馬甲冑各一銀

茶簫一具段四匹布十有八足率準三九之數  
燕用牲十有八聘禮鞍馬甲冑各六閑甲十有  
二段三十疋布三百疋銀盆銀茶簫各一具成  
婚日燕用牲二十有七給女父母兄弟從人繫  
親王郡王均得視親王繫貝勒台吉給女父母  
時衣各一襲貂裘狐裘各一鞋帶佩刀橐韃各  
一具鞍馬一匹段十有五匹布七十疋銀茶簫  
一具給從者十有五人衣服有差○順治九年



定燕日貝勒以下本旗侍郎男以上貝勒夫人  
以下輔國公縣君以上咸會燕貝勒貝勒夫人  
由本家自請大臣由部傳集聘朝臣之女其父  
母加給銀四百兩

一鎮國公婚禮崇德年間定聘朝臣女為婚者  
納采禮段衣裳五襲餘與貝子同是日設燕十  
有八席牲十有三酒十有八餅成婚日燕二十  
八席牲十有七酒二十八餅給女父母服物與

貝子同聘外藩王貝勒台吉女納采用牲十有  
八鞍馬甲冑各一銀茶筭一具段三足布十有  
一足率準二九之數燕用牲十有八聘禮鞍馬  
甲冑各五闊甲十段二十五足布二百五十足  
銀盆銀茶筭各一具成婚日燕用牲二十有七  
給女父母兄弟從人繫親王郡王均與親王同  
繫貝勒台吉與貝子同○順治九年定燕日貝  
子以下奉國將軍以上貝子夫人縣君以下奉

國將軍淑人以上及本府官屬咸會燕由本家  
自請聘朝臣之女其父母加給銀三百兩

一輔國公婚禮崇德年間定聘朝臣女為婚者  
納采禮段衣裳四襲段衾褥三具餘與鎮國公  
同燕視鎮國公減牲二席二給女父母服物均  
視鎮國公聘外藩王貝勒台吉女納采用牲九  
鞍馬甲冑各一銀茶筭一具段三足布二足率  
準一九之數聘禮鞍馬甲冑各四閑甲八段二

十足布二百足銀盆銀茶簫各一具兩燕及給  
女父母兄弟從人服物均與鎮國公同○順治  
九年定燕日鎮國公以下奉國將軍以上及本  
府官屬縣君鎮國公夫人以下奉國將軍淑人  
以上咸會燕由本家自請聘朝臣之女其父母  
加給銀三百兩

一鎮國將軍婚禮崇德年間定納采禮段衣三  
襲段衾褥二具布衣一襲布衾褥一具金領約

一金簪二金耳飾全副是日設燕用牲六成婚  
日具燕十有五席

一輔國將軍婚禮崇德年間定納采禮段衣二  
襲段衾褥一具餘與鎮國將軍同是日設燕用  
牲四成婚日具燕十席

一奉國將軍婚禮崇德年間定納采禮無領約  
餘與輔國將軍同是日設燕用牲三成婚日具  
燕八席

一聞散宗室婚禮崇德年間定納采禮段衣一襲布衣一襲段衾布褥一具金耳飾全副是日具燕用牲二成婚日具燕五席○順治九年定納采禮段衣二襲段衾褥一具金領約一具金耳飾全副是日具燕用牲二成婚日具燕六席一覺羅婚禮崇德年間定覺羅婚娶有職者各照品級無職者與庶民同○順治九年定無職覺羅行納采禮段衣二襲段衾褥一具金領約

一具金耳飾全副是日具燕用牲二成婚日具燕五席

一王公以下婚娶通例順治九年定王以下公以上奉

旨賜婚者咸朝服於

中和殿或

位育宮謝

恩不贊行三跪九叩禮成婚日行禮同○又定王公

未受

封之子婚禮視其父已受

封者各從其爵○康熙元年定王以下入八分公  
以上有婚嫁事報禮部具題奉

旨賜婚者咸朝服於

太和殿或

宮門前行謝

恩禮其納采用布者改用段餘均如舊例



一郡主于歸禮崇德年間定親王女嫁於朝臣聘禮鞍馬甲冑各十有五納采成婚燕如親王例嫁於外藩王貝勒台吉等納采用牲六十有三駝三馬四羊五十有六率準七九之數燕用牲四十有五聘禮馬六十牛六十羊六百成婚日燕用牲六十有三媵婢八名男婦五戶○順治九年定朝臣聘禮鞍馬甲冑各七

一縣主于歸禮崇德年間定郡王女嫁於朝臣

聘禮鞍馬甲冑各十有三納采成婚燕如郡王  
例嫁於外藩王貝勒台吉等納采與郡主同聘  
禮馬五十牛五十羊五百成婚日燕用牲六十  
有三媵婢七名男婦四戶○順治九年定朝臣  
聘禮鞍馬甲冑各五

一郡君于歸禮崇德年間定貝勒女嫁於朝臣  
聘禮鞍馬甲冑各十有一納采成婚燕如貝勒  
例嫁於外藩王貝勒台吉等納采禮物與郡主

同燕用牲二十有七聘禮馬四十牛四十羊四百成婚日燕用牲四十有五媵婢六名男婦三戶○順治九年定朝臣聘禮鞍馬甲冑各四

一縣君子歸禮崇德年間定貝子女嫁於朝臣聘禮鞍馬甲冑各九納采成婚燕如貝子例嫁於外藩王貝勒台吉等納采禮物與郡君同聘禮馬三十牛三十羊三百成婚日燕用牲二十有七媵婢五名男婦二戶○順治九年定朝臣

聘禮鞍馬甲冑各三

一鄉君子歸禮崇德年間定鎮國公輔國公女嫁於朝臣聘禮鞍馬甲冑各七納采成婚燕鎮國公女如鎮國公輔國公女如輔國公例嫁於外藩王貝勒台吉等納采與縣君同聘禮馬二十有五牛二十有五羊二百五十成婚日燕用牲二十有七鎮國公女媵婢四名男婦二戶輔國公女媵婢三名男婦二戶○順治九年定朝

臣聘禮鞍馬甲冑各二

一郡主以下于歸通例順治九年定凡奉

旨賜婚公主郡主等外藩王以下內外各官咸朝服  
於

中和殿或

位育宮謝

恩不贊行三跪九叩禮成婚日行禮同  
康熙元年

定奉

旨賜婚者外藩王以下內外各官詣

太和殿或

宮門前行謝

恩禮如儀○五年定鎮國輔國將軍女嫁於外藩媵  
送滿洲男婦二名蒙古漢人男婦六名奉國奉  
恩將軍女媵送不得用滿洲止用蒙古漢人男  
婦六名宗室女媵送蒙古漢人男婦四名○七  
年定外藩親王女媵婢八名男婦五戶外藩郡

王女婢七名男婦四戶外藩貝勒女婢六名男婦三戶外藩貝子女婢五名男婦二戶外藩鎮國公女婢四名男婦二戶外藩輔國公女婢三名男婦二戶一等台吉塔布囊以下四等台吉塔布囊以上女繫屬下人媵婢二名家下人媵婢六名台吉等女媵婢許增二名○八年定奉旨賜婚郡主以下謝

恩行禮者均由部具題 又定郡主縣主歸寧母家

有給人口者不得用滿洲止用蒙古漢人八名  
郡君以下鄉君以上蒙古漢人六名鎮國將軍  
以下宗室以上女蒙古漢人四名

一官員士庶婚禮順治九年定公納采禮段衣  
五襲段衾褥三具金領約一具金簪三枝金耳  
飾全副是日具筵用牲九成婚日具筵二十席  
侯納采禮與公同納采日具筵用牲八成婚日  
具筵十有八席伯納采禮與侯同納采日具筵



用牲七成婚日具筵十有七席一品官納采禮  
段衣四襲餘與侯伯同納采日具筵用牲六成  
婚日具筵十有五席二品官納采禮段衣三襲  
段衾褥二具餘與一品官同納采日具筵用牲  
四成婚日具筵十席三品官納采禮與二品官  
同納采日具筵用牲三成婚日具筵八席四品  
官納采禮段衣二襲段衾褥一具金領約一具  
金耳飾全副納采日具筵用牲二成婚日具筵

六席五品官納采禮與四品官同納采日具筵  
用牲二成婚禮日具筵五席六品以下官納采禮  
與五品官同納采日具筵用牲二成婚禮日用牲  
三軍民人等納采禮衣一襲衾褥一具金耳環  
全副納采日具筵用牲一成婚禮日用牲二○康  
熙七年定公納采禮段衣五襲段衾褥四具金  
領約一具金簪四枝金耳飾全副金指環四是  
日具筵十有六席成婚禮日筵二十六席侯納采

禮段衣五襲段衾褥三具金領約一具金簪三  
枝金耳飾全副是日具筵十有三席成婚日筵  
二十席伯納采禮與侯同納采日具筵十有二  
席成婚日筵十有八席一品官納采禮段衣四  
襲段衾褥三具金領約一具金簪三枝金耳飾  
全副是日具筵十席成婚日燕十有六席二品  
官納采禮段衣三襲段衾褥二具餘與一品同  
是日具筵八席成婚日筵十有二席三品官納

采禮與二品官同納采日燕用牲八成婚日具筵九席四品官納采禮段衣二襲餘與三品同納采日燕用牲七成婚日具筵八席五品官納采禮與四品官同納采日燕用牲六成婚日具筵六席六品以下官納采禮與五品官同納采日燕用牲五成婚日用牲七○雍正元年定公納采禮金領約一具金簪三枝金耳飾一副段衣四襲段衾褥三具納采日燕用牲九成婚日

具筵二十席侯納采禮與公同納采日燕用牲  
八成婚日具筵十有八席伯納采禮與侯同納  
采日燕用牲七成婚日具燕十有七席一品官  
納采禮段衣三襲餘與伯同納采日燕用牲六  
成婚日具筵十有五席二品官納采禮段衣二  
襲段衾褥一具餘與一品同納采日燕用牲四  
成婚日具筵十有三席三品官納采禮金簪二  
枝餘與二品同納采日燕用牲三成婚日具筵

八席四品官納采禮金領約一具金耳飾一副  
段衣一襲段衾褥一具納采日燕用牲二成婚  
日具筵六席五品官納采禮與四品同納采日  
燕用牲二成婚日具筵五席六品以下官納采  
禮與五品官同納采日具筵用牲二成婚日用  
牲三自四品以下領約耳飾各聽其力能具者  
備用軍民人等納采禮衣一襲衾褥一具具筵  
用牲一成婚日用牲二凡有品級官員婚嫁或

用本官執事鼓樂人不得過十二名鐙不得過六對無品級人及生監軍民不得僭用執事鼓樂人不得過八名鐙不得過四對一應靡費槩行嚴禁○又定漢人婚娶納采及成婚禮四品官以上紬段不得過八疋金銀首飾不得過八件食品不得過十五品以下官各減二八品官以下有頂帶人員以上又各減二軍民人等紬絹不得過四果合不得過四其金銀財禮官民

槩不許用至庶民婦女有僭用冠帔補服大轎者禁違者罪坐夫男

一婚娶通例崇德年間定王公官民婚娶有違例多用者多用之物入官兩家皆論如法○順治五年

諭滿洲官員之女欲與漢人為婚者先須呈部應具奏者即與具奏應自理者即行自理其無職人等之女部冊有名者令各該佐領報部方嫁無名者聽各該



佐領自行遣嫁至漢官之女欲與滿洲為婚者亦報部無職者聽其滿洲官民娶漢人之女實繫為妻者方準娶欽此○九年定王公未受

封之子百官未受職之子父為納婦者禮視其父已受職者各從其爵秩

欽定大清會典則例卷六十四

# 欽定四庫全書

史部

欽定大清會典則例卷六十五

詳校官檢討臣劉 烜

編修臣程嘉謨覆勘

總校官原任中允臣王燕緒

校對官中書臣孫 梅

謄錄監生臣陳太初

欽定四庫全書

欽定大清會典則例卷六十五

禮部

儀制清吏司

冠服

一

皇帝冠服崇德元年定冠用東珠寶石飾頂服黃袍

帶用玉飾金銜珠○康熙二十二年定凡大典

禮及祭

壇

廟冠用大珍珠東珠飾頂禮服用黃色秋香色藍色五  
爪三爪龍文○雍正元年定祭服用天青明黃  
大紅月白四色織為圓金龍九當龍口珠各一  
腰襴小圓金龍采雲環之下作山水之狀

一

皇后冠服

國初定凡慶賀大典冠用東珠飾頂禮服用黃色  
秋香色鳳凰翟鳥及五爪龍文

一

皇貴妃

貴妃

妃

嬪冠服

國初定凡慶賀大典



皇貴妃

貴妃冠頂用東珠十有二

妃用東珠十有一禮服均用鳳凰翟鳥五爪龍段

蟒段八團龍段若黃色秋香色不得用

嬪冠頂用東珠十禮服用翟鳥五爪龍段蟒段四

團龍段

一

皇太子冠服康熙十四年定冠頂用東珠十有三

禮服用秋香等色五爪三爪龍段滿翠八團龍等段帶用玉版以金銜之飾以東珠

一親王冠服崇德元年定冠頂三層上銜紅寶石中飾東珠八前舍林飾東珠四後金花飾東珠三帶用玉四以金銜之共飾東珠四坐褥冬用豹皮夏用蟒段襯紅白氈○順治九年題準冠頂三層共飾六分以下東珠十舍林飾東珠五後花飾東珠四帶玉各飾東珠四貓睛石一

補用五爪圓龍文四服用滿翠五爪四團龍段  
坐褥冬用純貂皮夏用五爪龍紅段襯紅白氈  
一世子冠服順治九年題準冠頂三層共飾五  
分以下東珠九帶用玉四以金銜之各飾東珠  
三服與親王同坐褥冬用猞猁緣貂皮夏用  
四爪蟒文藍段襯紅白氈

一郡王冠服崇德元年定冠頂三層上銜紅寶  
石中飾東珠七前舍林飾東珠三後金花飾東



珠二帶用玉四以金銜之飾綠松石四坐褥冬  
用豹皮夏用蟒段襯紅白氊○順治九年題準  
冠頂飾五分以下東珠八舍林飾東珠四後花  
飾東珠三帶玉各飾東珠二貓睛石一服與親  
王同坐褥與世子同

一貝勒冠服崇德元年定冠頂三層上銜紅寶  
石中飾東珠六前舍林飾東珠二後金花飾東  
珠一帶用玉四以金銜之飾寶石四坐褥冬用

虎皮夏用閃段襯紅白氈○順治九年題準冠  
頂飾四分以下東珠七舍利飾東珠三後花飾  
東珠二帶玉各飾東珠二補服用四爪圓龍文  
二及蟒文氈花等段坐褥冬用猞猁獬皮夏用  
藍氈花段襯白氈

一貝子冠服崇德元年定冠頂二層上銜紅寶  
石中飾東珠五前舍利後金花各飾東珠一帶  
用玉四以金銜之飾藍寶石四坐褥冬用方虎

皮夏用段襯紅氊○順治九年題準冠頂共飾四分以下東珠六舍林飾東珠二後花飾東珠一帶玉各飾東珠一服與貝勒同坐褥冬用白豹皮夏用藍段緣以粧段襯紅白氊

一鎮國公冠服崇德元年定冠頂二層上銜紅寶石中飾東珠四前舍林飾東珠一後金花飾綠松石一帶用玉四以金銜之飾藍寶石四坐褥冬用方虎皮夏用紅褐襯紅氊○順治九年

題準冠頂共飾四分以下東珠五舍林飾東珠  
一後花飾綠松石一帶玉各飾貓睛石一服用  
四爪方蟒繡餘與貝勒同坐褥冬用紅豹皮夏  
用紅閃段襯紅氊

一輔國公冠服崇德元年定冠頂二層上銜紅  
寶石中飾東珠三前舍林飾綠松石一後金花  
飾寶石一帶與鎮國公同坐褥冬用狼皮夏用  
紅褐緣皂褐襯紅氊○順治九年題準冠頂共

飾四分以下東珠四坐褥冬用方赤豹皮夏用青閃段襯紅氊餘與鎮國公同○又定不入八分公以下均用三分以下東珠

一鎮國將軍冠服崇德元年定冠頂上銜紅寶石帶用金圓版飾紅寶石四坐褥冬用獾皮夏用皂褐襯紅氊○順治九年題準冠頂中飾三分以下東珠一帶用方玉四以金銜之各飾紅寶石一補服用麒麟餘與鎮國公同坐褥冬用

狼皮夏用紅褐緣皂褐襯紅氊○乾隆二年議準坐褥夏用紅褐餘如舊制

一輔國將軍冠服崇德元年定冠頂上銜藍寶石帶用圓金版坐褥冬用貉皮夏用皂布襯紅氊○順治九年題準冠頂上銜紅寶石中飾小紅寶石一帶用圓金版四各飾紅寶石一補服用獅餘與鎮國公同坐褥冬用獾皮夏用紅褐緣皂褐襯紅氊○雍正八年議準冠頂上銜起

花珊瑚中飾小紅寶石○乾隆二年議準坐褥  
夏用紅褐緣皂褐餘如舊制

一奉國將軍冠服崇德元年定冠頂上銜水晶  
帶用玲瓏鍍金方鐵版四坐褥冬用野山羊皮  
夏用藍布襯紅氊○順治九年題準冠頂上銜  
紅寶石中飾小藍寶石一帶用起花金圓版四

補服用豹餘與鎮國公同坐褥冬用貉皮夏用  
皂布襯紅氊○雍正八年議準冠頂上銜藍寶

石或藍色明玻璃中飾小紅寶石○乾隆二年議準坐褥夏用皂褐緣紅褐餘如舊制

一奉恩將軍冠服順治九年題準冠頂上銜藍寶石中飾小藍寶石一帶用鏤花圓銀版四以金銜之補服用虎餘與鎮國公同坐褥冬用野山羊皮夏用藍布襯白氊○雍正八年議準冠頂上銜青金石或藍色涅玻璃中飾小藍寶石○乾隆二年議準坐褥夏用皂布襯紅氊餘如



舊制

一宗室覺羅冠服順治九年題準閒散宗室服用蟒段縐段倭段金花段及各種花素段衣裾四啟得掛數珠馬繫繫纓得用青段坐褥襯白氍覺羅服用金花段倭段各種花素段○康熙十一年題準宗室服許用貂皮捨狝獮

一固倫公主冠服崇德元年定冠頂大簪舍林領約各用東珠八○順治九年題準冠頂等各

飾東珠十補服用五爪團龍文四服用獬豸及  
滿翠翟鳥五爪四團龍

一和碩公主冠服崇德元年定冠頂大簪舍林  
領約各用東珠七○順治九年題準冠頂等各  
飾東珠九補服與固倫公主同

一郡主冠服崇德元年定冠頂大簪舍林領約  
各用東珠六○順治九年題準冠頂等各飾東  
珠八補服與和碩公主同

一縣主冠服崇德元年定冠頂大簪舍林領約  
各用東珠五○順治九年題準冠頂等各飾東  
珠七補服用四爪團蟒文二服用蟒段縐段各  
種花素段

一郡君冠服崇德元年定冠頂大簪舍林領約  
各用東珠四○順治九年題準冠頂等各飾東  
珠六服飾與縣主同

一縣君冠服崇德元年定冠頂大簪舍林領約

各用東珠三○順治九年題準冠頂等各飾東珠五補服與郡君同

一鄉君冠服崇德元年定冠頂大簪舍林領約各用東珠二○順治九年題準鎮國公女鄉君冠頂等各飾東珠三服與縣君同

一王公等側室女冠服康熙四十五年題準王貝勒側室女封授比適降二等冠服等各視所

降品級用貝子鎮國公輔國公側室女雖降等食五品六品俸其冠頂服色仍與鄉君同

一親王福晉冠服崇德元年定適福晉冠頂大簪舍林領約各用東珠八側福晉冠頂等各飾東珠七○順治九年題準適福晉冠頂等各飾東珠十補服用五爪團龍文四服用蟒段及五爪四團滿翠翟鳥五爪龍段側福晉冠頂等各飾東珠九服與適福晉同

一世子福晉冠服順治九年題準適福晉冠頂  
服飾與親王側福晉同側福晉冠頂等各飾東  
珠八服與適福晉同

一郡王福晉冠服崇德元年定適福晉冠頂大  
簪舍林領約各用東珠七側福晉冠頂等各飾  
東珠六○順治九年題準適福晉冠頂服飾與  
世子側福晉同側福晉冠頂等各飾東珠七補  
服用團蟒文二服用粧段蟒段及各種花素段

一貝勒夫人冠服崇德元年定適夫人冠頂大簪舍林領約各用東珠六側夫人冠頂等各飾東珠五○順治九年題準適夫人冠頂服飾與郡王側福晉同側夫人冠頂等各飾東珠六服與適夫人同

一貝子夫人冠服崇德元年定適夫人冠頂大簪舍林領約各用東珠五側夫人各飾東珠四○順治九年題準適夫人冠頂服飾與郡王側

福晉同側夫人冠頂等各飾東珠五服與適夫人同

一鎮國公夫人冠服崇德元年定適夫人冠頂大簪舍林領約各用東珠四○順治九年題準適夫人冠頂等各飾東珠五服與貝子夫人同側夫人冠頂等各飾東珠四服與適夫人同

一輔國公夫人冠服崇德元年定適夫人冠頂大簪舍林領約各用東珠三○順治九年題準



適夫人冠頂等各飾東珠四服與貝子夫人同  
側夫人冠頂等各飾東珠三服與適夫人同

一不入八分公及鎮國輔國奉國各將軍夫人  
冠服崇德元年定冠頂服飾止準正室各照夫  
品級用

一超品民公侯冠服崇德元年定冠頂上銜紅  
寶石中飾東珠二帶用金環玉版四坐褥冬用  
方虎皮夏用紅褐襯紅氍

一民公冠服崇德元年定冠頂上銜紅寶石中  
飾東珠一帶用金環圓玉版四各飾綠松石一  
坐褥冬用狼皮夏用皂褐襯紅氊○順治二年  
定冠用起花金頂上銜紅寶石中飾東珠三帶  
用金環圓玉版四各飾綠松石一○八年定冠  
頂飾東珠四帶玉各飾貓睛石一○九年題定  
補服或用麒麟或用四爪蟒坐褥冬用虎皮夏  
用青閃段襯紅氊○康熙元年題準補服用四

爪蟒

一侯伯冠服順治二年定冠用起花金頂上銜紅寶石中飾東珠一帶用金環方玉版四各飾紅寶石一〇六年定冠頂飾東珠二帶用金環圓玉版四各飾紅寶石一〇八年定侯冠頂飾東珠三帶玉各飾綠松石一〇九年題準侯伯補服或用麒麟或用四爪蟒〇又題準侯坐褥冬用方虎皮夏用藍段伯坐褥冬與侯同夏用

紅褐皆襯紅氍。康熙元年題準侯伯補服用  
四爪蟒。乾隆二年議準侯坐褥夏用青色綠  
花閃段。伯坐褥夏用藍雲段。餘如舊制。

一固倫公主額駙冠服。崇德元年定與貝子同。  
若原繫貝勒以上各照封爵用。○順治八年定  
冠頂飾東珠六。舍林飾東珠二。後花飾東珠一。  
帶用金環圓玉版四。各飾東珠一。○九年定坐  
褥。冬用白豹皮。夏用藍段綠絨段。襯紅氍。

一和碩公主額駙冠服崇德元年定與超品公  
同如封爵在超品公上者各照封爵用○順治  
八年定冠頂飾東珠四舍林飾東珠一後花飾  
綠松石一帶用金瓊圓玉版四各飾貓睛石一  
○九年題準坐褥冬用方赤豹皮夏用青閃段  
襯紅氊○十六年定在京額駙冠頂嵌東珠五  
坐褥冬用紅豹皮夏用紅閃段襯紅氊皆視鎮  
國公○康熙三十年定蒙古和碩公主額駙頂

帶坐褥皆照貝子品級○三十九年奏準公主  
下嫁與在京額駙照例頂帶坐褥皆視鎮國公  
品級戴雙眼孔雀翎

一郡主額駙冠服崇德元年定冠頂上銜紅寶  
石飾東珠一帶用金圓版四飾綠松石四坐褥  
冬用狼皮夏用皂褐襯紅氊○順治八年定冠  
頂飾東珠三帶用金環圓玉版四各飾綠松石  
一○九年題準坐褥冬用方虎皮夏用藍段襯

紅氍○康熙元年題準補服用四爪蟒○雍正

五年題準郡主額駙冠頂用珊瑚

一縣主額駙冠服崇德元年定冠頂上銜紅寶  
石帶用金圓版四飾紅寶石四坐褥冬用獾皮  
夏用青布緣紅布襯紅氍○雍正五年題準縣  
主額駙冠頂用鏤花珊瑚

一郡君額駙冠服崇德元年定冠頂上銜藍寶  
石帶用圓金版四坐褥冬用貉皮夏用青布襯

紅氍○乾隆十二年奏準郡君額駙冠頂視三品官用藍寶石及藍色明玻璃

一縣君額駙冠服崇德元年定冠頂上銜水晶帶用鍍金方鐵版四坐褥冬用青山羊皮夏用藍布襯白氍○康熙四十五年題準貝子側夫人所生女額駙授爲六品○雍正五年題準縣君額駙冠頂用青金石

一鄉君額駙冠服崇德元年定冠用金頂帶用



鍍金圓鐵版四坐褥冬用鹿皮夏用白氊○康熙四十五年題準鎮國輔國公側夫人所生女額駙授爲七品○乾隆十二年奏準鄉君額駙視五品官冠頂用水晶及白色明玻璃

一品官冠服崇德元年定都統尚書冠頂上銜紅寶石帶用金圓版四飾紅寶石四內大臣大學士副都統護軍統領前鋒統領侍郎冠頂上銜藍寶石帶用金圓版四一等待衛護衛叅領

前鋒叅領學士滿啟心郎郎中冠頂上銜水晶帶用鍍金鐵版四二等三等侍衛護衛佐領漢啟心郎員外郎冠用金頂帶用鍍金圓鐵版四護軍校主事冠用金頂帶用鍍金圓鐵版二

又定坐褥都統尚書冬用獾皮夏用皂布緣紅布內大臣大學士副都統前鋒統領護軍統領侍郎冬用貉皮夏用皂布以上皆襯紅氊一等侍衛護衛叅領前鋒叅領學士滿啟心郎郎中

冬用青山羊皮夏用藍布皆襯白氊二等侍衛  
護衛佐領漢啟心郎員外郎冬用鹿皮夏止用  
白氊○順治二年定一品官冠用鏤花金頂上  
銜紅寶石中飾東珠一帶用金方玉版四各飾  
紅寶石一二品官冠用鏤花金頂上銜紅寶石  
中飾小紅寶石帶用鏤花金圓版四各飾紅寶  
石一三品官冠用鏤花金頂上銜紅寶石中飾  
小藍寶石帶用鏤花金圓版四四品官冠用鏤

花金頂上銜藍寶石中飾小藍寶石帶用銀環  
鏤花金圓版四五品官冠用鏤花金頂上銜水  
晶中飾小藍寶石帶用銀環素金圓版四六品  
官冠用鏤花金頂上銜水晶帶用銀環玳瑁圓  
版四七品官冠用鏤花金頂中飾小藍寶石帶  
用素銀圓版四八品官冠用鏤花金頂帶用銀  
環明羊角圓版四九品官冠用鏤花銀頂帶用  
銀環烏角圓版四〇九年題準官員補服文官

一品用仙鶴二品用錦雞三品用孔雀四品用  
雲鴈五品用白鷗六品用鷺鷥七品用鸕鶿八  
品用鶴鶉九品用練雀武官一品二品用獅子  
三品用虎四品用豹五品用熊六品七品用彪  
八品用犀牛九品用海馬都察院按察使司衙  
門官不論品級均用獬豸○又定坐褥一品官  
冬用狼皮夏用紅褐緣皂褐二品官冬用獾皮  
夏用皂布緣紅布三品官冬用貉皮夏用皂布

以上皆襯紅氊四品官冬用山羊皮夏用藍布  
襯白氊五品官以下冬用鹿皮襯白氊夏止用  
白氊○康熙元年題準武官一品補服用麒麟  
○又題準文武一品官雖有加級不許過本品  
補服○三年題準武職三品補服用豹四品用  
虎○雍正六年覆準都察院都事經歷筆帖式  
按察使司經歷照磨等官均用本身品級補服  
不得用獬豸補服○八年議準二品官朝冠頂

上銜鏤花珊瑚中飾小紅寶石三品官上銜藍  
寶石或藍色明玻璃中飾小紅寶石四品官上  
銜青金石或藍色涅玻璃中飾小藍寶石五品  
官上銜水晶或白色明玻璃中飾小藍寶石六  
品官上銜碑礪或白色涅玻璃中飾小藍寶石  
七品官用素金頂中飾小水晶八品官用鏤花  
金頂九品官用鏤花銀頂未入流與九品同候  
補候選與見任同若在部學習行走之生監視

八品筆帖式九品之讀祝贊禮鳴贊序班均視  
八品各府州縣學教職皆照出身用金頂○乾隆二年覆準一品坐褥夏用紅褐二品用紅褐緣皂褐三品用皂褐緣紅褐四品用皂布以上皆襯紅氊其皮坐褥仍如舊制五品冬用青羊皮夏用藍布六品冬用黑羊皮夏用黑梭色布七品冬用鹿皮夏用灰色布八品冬用麀皮夏用土布九品冬用獺皮夏亦用土布未入流與



九品同以上皆襯白氈

一士庶冠服順治二年定舉人官生貢生監生  
冠用金雀頂帶用銀環明羊角圓版四生員冠  
用銀雀頂帶用銀環烏角圓版四外郎耆老冠  
用烏角葫蘆頂○三年定會試中式舉人冠用  
裏金三枝九葉頂狀元冠用鏤花金頂上銜水  
晶帶用銀環玳瑁圓版四○九年題準舉人官  
生貢生監生公服皂袍緣藍生員公服藍袍緣

皂

一冠服通例崇德元年定親王以下至臣民等  
均不得用黃色及五爪龍鳳黃色段其馬飾等  
禁例同○又定親王以下宗室以上皆束金黃  
帶覺羅束紅帶其金黃帶紅帶不得給與異姓  
若

上賜者不在禁例○又定戴翎之制貝子戴三眼孔  
雀翎根綴藍翎鎮國公輔國公戴雙眼孔雀翎

根綴藍翎護軍統領護軍叅領戴單眼孔雀翎  
根綴藍翎護軍校戴染藍鷺鷥翎○又定命婦  
冠服各照夫品用○順治三年覆準庶民不得  
用繡段等服滿洲家人不得用錦繡蟒段粧段  
○八年

諭官民等帽纓不得用紅紫線披領繫繩合包腰帶韉  
底牙縫不得用黃色朝服便服表裏皆不得用黃色  
秋香色欽此○九年議準涼帽暖帽上圓月官員用

紅片金庶人用紅段涼帽四品以上用片金裏  
五品以下用紅段裏均倭段緣邊庶人用青藍  
段緣邊○又題準民公侯服用貂緣朝衣貂端  
罩貂袍蟒段縐段金花段倭段各種團龍段花  
素段一品至四品及侍衛護衛服與民公侯伯  
同五品至七品服用金花段倭段花素段八九  
品服用素段凡朝服披領及袖均得用蟒段金  
花段

御前侍從得用蟒段縐段及各種段服皮服親王親  
隨頂帶補服外服色視五品世子郡王親隨視  
六品公侯伯大小官員父母從子品用其未分  
居子未出嫁女除頂帶補服外其餘服色照父  
品用已分居子照本品用已出嫁女照夫品用  
護軍服用素段領催吏書通事耆老兵民商賈  
等準用素段素紗綾紬絹紡絲各色布準戴貂  
帽狐皮帽僧道服除袈裟法衣外準用紬絹紡

絲素紗各色布其袍用土黃色緇色奴僕及優  
人皂隸準用狐貉沙狐皮帽樂戶準用本色黃  
鼠皮帽涼帽用綠絹裏綠絹緣邊○又題準凡  
五爪三爪龍滿翠團龍段及黃色秋香色黑狐  
皮

上賜者許用外餘皆禁止不得存留亦不得製被褥  
帳幔若有越用及存留者繫官照品議罰常人  
鞭責衣物入官妻子僭用者罪坐家長○又題

準官民等均戴絨纓涼帽不遇陰雨不得用釐  
纓○十年題準官員軍民

京城內不得用齊肩挂戴氊帽及緣邊小秋帽亦  
不得於氊帽上綴纓如違官送吏部兵民送刑  
部治罪○十一年題準官民等涼暖帽皆用大  
圓月厚纓違式者治罪○十二年題準喇嘛格  
隆服用黃紅色非奉

上賜不得用五爪龍團花班第用黃帽紅衣伍巴什

伍巳三察服用灰色○十五年題準每年春用  
涼朝帽及夾朝衣或三月十五日或二十五日  
爲始秋用暖朝帽及緣皮朝衣或九月十五日  
或二十五日爲始請

旨通行又王公百官有緣貂朝衣者每年自十一月  
十五日爲始至正月十六日止凡常朝慶賀祭  
祀日服用若冬至日在十一月十五日前自郊  
祭日爲始○十八年議準貝子公戴翎均照舊



例內大臣一等二等三等侍衛前鋒統領護軍  
統領前鋒叅領護軍叅領諸王府長史一等護  
衛戴單眼孔雀翎根綴藍翎貝勒府司儀長王  
府貝勒府二等三等護衛貝子公府護衛及護  
軍校均戴染藍翎內外額駙如非繫內大臣不  
得戴諸王府散騎郎有輕車都尉以上世爵戴  
單眼孔雀翎根綴藍翎其餘雖加級不得戴○  
康熙元年題準軍民等不得用蟒段粧段金花

段片金段倭段貂皮捨獐獬狽○三年題準  
文官四品以上用蟒段懸數珠馬繫繫纓五品  
以下不得用○十一年題準民公以下四品官  
以上及侍衛護衛佩刀帶飾橐鞬許飾綠松石  
珊瑚寶石五品以下不得用五品以下官朝衣  
常服許用蟒段粧段倭段爲緣舉人官生貢監  
生生員不得用貂皮捨獐獬狽白豹皮蟒段粧段  
金花段護軍領催未入流筆帖式準用青素段

紬綾紡絲絹葛苧梭布狼狐貉羊等皮軍民及  
聽差人書吏準用紬綾紡絲棉紬繭紬屯絹葛  
苧梭布狼狐貉羊等皮冠用深騷鼠狐貉沙狐  
皮帽上圓月準用片金不得用狐狄沙狐狄段  
紗及段鞞鞞上不得緣綠斜皮器飾不得用金  
緣事革職人不得用貂皮捨狝獐獬段粧段金  
花段僧道除袈裟法衣外服用與民同奴僕優  
人皂隸準用紡絲絹棉紬繭紬毛褐屯絹葛苧

授布狼狐貉羊等皮冠用浚騷鼠狐貉獺皮樂  
戶準用杭絹棉紬葛苧授布羊皮不得用諸種  
段疋皮衣冠用本色騷鼠涼帽用綠絹裏綠絹  
緣邊○十二年題準五品以下官緣袖得用貂  
皮裘襟用貂尾其妻首飾等得用綠松石珊瑚  
未入流筆帖式護軍領催例同已故官員子繫  
護軍領催驍騎執事人雖未出分止照本身服  
用若未經任事者準視其父品級用六十歲以

上閒散人準照護軍服用凡未入流筆帖式以下至兵民等不得用銀鼠皮○二十四年覆準服色已有定例應再加申飭通行遵奉違者治罪○二十六年題準凡官民等不得用暗花之四爪龍四團八團龍段及照品級織造暗花補服又似秋香色之香色米色亦不得用大臣官員有

上賜五爪龍段皆令去一爪用○三十九年

諭部院筆帖式服用僭越至於未入流筆帖式不過與  
驍騎護軍相等其有僭越者著再行禁止欽此○又

定民公侯伯以上不入八分公閒散宗室四品  
官三等待衛以上貂皮捨獐獐段獐段等皆  
得用其藍翎侍衛亦得用無品閒散覺羅五六  
七品官不得用蟒段獐段貂皮捨獐獐八九品  
官不得用蟒段獐段大花段紗及貂皮捨獐獐  
白豹天馬銀鼠滿洲蒙古漢軍官往口外寒冷

處出差貂狼捨獠獠照常用漢官不於口外行走四品職官以下槩不得用其漢官京堂以上翰林科道滿洲贊禮官仍準用一等二等三等侍衛叅領郎中許用貂皮緣披領及袍閒散輕車都尉佐領騎都尉以下不得用如

上賜及諸王貝勒等賞給者皆許用其無品級筆帖式庫使八旗舉人官生貢監生生員護軍領催等除大花段紗及天馬銀鼠皮外止許服尋常

段紗紬綾絹屯絹葛布夏布布貉皮沙狐灰鼠  
狼狐羊等皮帽圍領許用貂皮其妻均視夫服  
用止許金耳環至漢舉人官生貢監生生員例  
同軍民書吏外郎不得服狼狐冠不得用貂緣  
飾革職官除貂皮捨荆獬豸段粧段外其餘服  
色均得用帽緣得用貂有封銜者仍照品級用  
藍翎侍衛佩刀等照五品以下官例不得飾綠  
松石珊瑚寶石等物其官兵甲冑佩刀橐鞬等



不在禁例奴僕優人皂隸等狼皮狐皮並不得用○又覆準多羅貝勒親隨頂帶補服外服色準視七品官固山貝子入八分公親隨服色準視八品官○四十年定太醫院官醫士等服飾悉照

御前侍從例○四十六年覆準部院大臣並八旗閒散官上朝及坐班時如非下雨戴雨帽者治罪○四十九年覆準内外文武官或議敘加級或

捐納加級例不得過一品今緣捐納事例任憑  
加級遂自一品以至出品冠頂坐褥莫辯尊卑  
均與定例不符嗣後七品八品九品加級者不  
準過五品五品六品加級者不準過四品四品  
三品加級者不準過二品二品加級者不準過  
一品一品如都統等大臣照例飾東珠一坐褥  
用狼皮雖有加級不得用東珠二用虎皮坐褥  
大學士尚書雖繫二品均是一等職掌若有加

級冠頂坐褥與一品同此外文武官雖有加級  
不準飾東珠仍飾小紅寶石獐皮坐褥行令八  
旗並內府佐領直省一例遵行倘有僭越該管  
大臣嚴拏交部治罪如該管大臣不行嚴察一  
并議處○五十一年覆準文官朝服武官披執  
禁止濫用在京官遇朝賀祭祀到任封印開印  
照常用朝服各省官員拜牌到任封印開印祭  
丁入場亦照常朝服披執外其文武官謁見迎

送上司止用補服如違禁濫用者事覺照違禁例從重議罪○雍正元年

諭大小官員有一定之品級卽有一定之服式所以重名器也近多不按品級輒帶數珠馬項懸纓前用導馬更有將紬爲坐具者尤爲僭越嗣後應各按品級遵奉定例而行著八旗大臣步軍統領都察院嚴行稽察如有此等之人卽行指叅若大臣官員等徇情疎忽經朕察出將伊等一併議處再舊例諸王等以

數珠鞍轡賞伊屬下者許其服用此等人員難於稽  
察嗣後著將賞用之處行文該旗存案年底彙奏如  
此則等威有辯而僭越者少矣欽此○又

諭上三旗前鋒侍衛等向戴孔雀翎下五旗前鋒侍衛  
等向戴藍翎嗣後著一例戴孔雀翎欽此○二年題

準凡文武大小官員頂帶補服坐褥皆有等級  
定例五六品官不得過四品三四品官不得過  
二品二品官不得過一品近來官員皆越本職

僭用此皆該管大臣自行僭用以致所屬官員效尤成風嗣後凡加級官員該管大臣務察其於何任加級及何處捐納倘不行嚴察仍有僭用者一并議處又官員軍民服色定例禁用黑狐皮秋香色米色香色等類近來官員軍民以及家奴等皆濫行服用皆由該管官不實心奉行所致嗣後如有違禁僭用者該管官不行拏送事發將僭用人及該管官皆於例外加倍議

處○五年

諭王公大臣官員等朝服頂帶皆有定制但平時所用服色未辯等級其應如何分析之處著議政大臣九卿會議具奏欽此遵

旨議準自親王以下及見任並候補候選官員舉貢生監平時所戴涼帽暖帽皆照朝冠頂顏色分別等級親王世子郡王長子貝勒貝子入八分公咸用紅寶石頂未入八分公固倫額駙和碩公

主額駙民公侯伯鎮國將軍暨一品官咸用珊瑚頂輔國將軍奉國將軍多羅額駙二品三品官咸用起花珊瑚頂奉恩將軍固山額駙暨四品官咸用青金石頂五品六品官咸用水晶石頂七品官以下及進士舉人貢生咸用金頂生員監生咸用銀頂通行八旗直省一例遵行○

六年

諭凡革職留任降級留任之官員其升轉開列及停扣



俸祿之處自有定例但此等人員既留原任職掌班次一切照舊其朝服頂帶亦應仍照準用其本任品級準其穿戴以肅威儀著大學士九卿會議具奏欽此遵

旨議定嗣後凡文武大小官員革職降級奉

旨畱任者除升轉開列及停扣俸祿之處照例遵行外其朝服頂帶準其仍照本任品級用○又題準都察院衙門官除左都御史副都御史僉都

御史及御史用獬豸補服外其都事經歷筆帖式等官補服各照本身品級皆不得用獬豸補服按察使司衙門官除按察使巡道外其所屬經歷照磨等官補服亦各照本身品級用七品官改用鏤花水晶頂八品官仍用金頂九品官改用鏤花金頂進士戴頂與七品同舉人改用銀托金頂貢生改用銀托鏤花金頂生員監生仍戴銀頂又副叅領給四品虛銜戴青金石頂

由七品以下官補授副佐領者給與六品虛銜  
戴水晶石頂副驍騎校護軍校照八品官例用

金頂○七年

諭百官章服皆有一定之制所以辯等威昭品秩也向  
來屢申禁飭不許逾分濫用以開僭越之端定例昭  
然各宜遵奉聞近來服色頂帶及坐褥頂馬繫纓之  
屬又有不按定例任意假借者御史有稽察部院之  
責而各御史中卽有參差不齊之處是已身先有逾

分違禮之咎又何以彈劾他人嗣後紫禁城內著三旗侍衛稽察大城內著步軍統領稽察外城著五城御史稽察倘有違例僭越之人而侍衛統領御史不行叅奏別經發覺者將稽察之人一并處分欽此○

八年

諭大小官員頂帽補服坐褥等項各宜遵照見任品級不得僭越從前已降諭旨後因御史等察奏文武官員內有補服與帽頂不相符者朕又降旨頂帶等項

各按本身品級不得計算加級所頒諭旨甚明近聞文武官員仍有越制擅用者及該管官員察問時則引從前準算加級之例掩飾支吾甚屬不合嗣後內外文武大小官員帽頂補服坐褥等項悉照本身見任品級不得指稱加級以開僭越之端在京著有稽察之責者嚴行稽察在外著該管上司稽察倘仍不遵除將本人議處外其失察之官一并處分欽此○

又

諭大小官員帽頂從前定議未曾分別詳確著該部再行妥議定制具奏欽此遵

旨將會典所定朝冠頂及雍正五年所定平時冠頂細加叅酌自王公至一品大臣以上均照舊例外議定輔國將軍暨二品官朝冠頂銜起花珊瑚平時冠頂同奉國將軍暨三品官朝冠頂銜藍寶石或藍色明玻璃奉恩將軍暨四品官朝冠頂銜青金石或藍色涅玻璃五品官朝冠頂銜

水晶或白色明玻璃六品官朝冠頂銜碑礪或  
白色涅玻璃七品官素金頂八品起花金頂九  
品鏤花銀頂平時冠頂並同○乾隆二年覆準  
紅絨結頂冠惟

皇子不論爵秩均準用其餘王公以下額駙等暨  
民公侯伯一二品大臣侍衛內有蒙

上賜者止得將所

賜之帽用之不得如式更制郡王以下均不得用織

金彩色五爪龍衣服及五爪暗龍段若

上賜者許用仍去一爪若王等賞所屬織金彩色龍者雖服過亦去一爪方得賞給貂衣不得賞五品以下官其餘服物若品級未到者均不得濫賞緣貂朝衣惟三品以上有職掌大臣得用餘不得僭用內外各衙門供事書吏非役滿考職者不得僭用金頂耆老遵例用錫頂亦不得僭用金頂商賈有捐納職銜者冠帶服飾各從其



品無職銜者與庶民同不得僭越奴僕等不得用段紗及各種細皮定制之後凡有違者王公宗室覺羅等由宗人府察叅議處文武大臣由吏兵二部叅處文武官由該管大臣及禮部都察院察叅送部議處違式之物入官若王公等不能約束所屬文武大小官不能約束家人致有僭越者察出犯者分別治罪本主亦照例議處○又題準王以下八分公以上雨衣得用紅

色一二品文武大臣惟用紅色雨帽○四年題  
準禮部司官主事司務均有監禮察班等職事  
令其一例用朝珠以肅威儀○五年奏準禮部  
主事司務行人太常寺博士典簿讀祝官贊禮  
郎鴻臚寺鳴贊光祿寺署正署丞典簿國子監  
監丞博士助教學正學錄等官惟在

壇

廟執事及

殿陞侍儀準挂朝珠平時燕處及在公署均不得  
用違者科道指名叅奏照違制例議處○又定  
外省佐雜微員謁見上司不得用蟒袍違者照  
例叅處○八年

諭嗣後一品大臣及

御前侍衛等皆許用紅色雨衣欽此○十年覆準凡  
考職吏員在籍止用頂帽不許僭用補服○十  
六年

欽定

御用雨衣雨冠均用明黃色○十九年奉

旨嗣後自十一月初一日爲始凡朝會祭祀皆用緣  
貂朝衣永著爲例欽此○又奉

諭旨巡撫官階雖屬二品但係統屬通省大員嗣後  
各省巡撫著一體穿用大紅雨衣欽此○又奏準

凡朝會隨圍齊集間遇雨雪服用雨冠雨衣舊  
例三品以下至軍民雨冠均用青色宜有差別

以示等威除雨衣仍舊穿用外一品至三品冠  
用紅色四品至六品紅色青緣七品以下有頂  
帶人員青色紅緣均前濶二寸五分後濶五寸  
御前侍衛乾清門侍衛

上書房翰林南書房翰林奏事處批本處行走人員  
不拘品級均得用紅色軍民止許用青色

欽定大清會典則例卷六十五